

*Sidney Ponson*

*Pitcher Baltimore Orioles*

**Sidney Alton Ponson, naci riba 2 di november 1976, lanta den e districto di Noord, awe ta nos di tres Grandes Ligas.** Sidney, cariñosamente yama "Pirunchi" mescos cu cualquier otro mucha tabata gusta cana den mondi y tira riba lagadischí. Tambe bike-cross y cuminda crioyo, principalmente prepara pa su wela tabata fascine.

St. Dominicus College tabata su basisschool, for di eynan e la bay Maria College Mayo cua estudio e la termina tambe. Sidney ta encanta cu deporte, ademas di baseball e la practica futbol cu Bubali Lifida, volleybol cu Centro di Bario Noord y landamento.

**Su talento:** Debi na su talento pa deporte y en especial pa baseball Sidney a crece y desaroya su mes den un gran baseballista. E la conquista na 1988 e título di Campeon Home-run den Little League y e aña despues Campeon Bate cu Burger King. Den senior division e la hunga pa Senaco y a sigi cu Coastal den juvenil.

Varios biaha Sidney a yega na forma parti di seleccionnan di baseball, e la participa na e campeonato di Khoury League y tambe a hunga den e

campeonatonan di Latino Americano. Aínda nos por corda e seleccion den blauw defendiendo nan isla y bandera den Don Elías Mansur Ballpark.

**Inicio di su careda basebolístico**

Despues di e termina su estudio na Maria College e la wordo firma como profesional pa Chu Halabi di e organización di Baltimore Orioles. Promer cu Sidney a bay Merca e la hunga na Caracas, Venezuela, cu un farm di e mesun organización hunto cu e rumannan Oduber.

Di eynan Sidney a sigi pa Merca y a hunga A-klas, AA y Tripel A pa finalmente yega Grandes Ligas.

**Su consehonan:** Su mama semper a consehe pa e sigi dilanti y bringa pa su meta. Tabatin un momento cu e mester a dicidi entre baseball y futbol pa e no perhudica ningun di su teamnan apesar cu e tabata piesa fundamental den tur dos. Su desición tabata importante y e resultado nos ta mira awe.

Nos di Bo Mundo di Deporte ta desea Sidney éxito, cu Dios acompaña pa e por sigi bay dilanti.



PUSH THE LIMIT



Available at Casa Deportivo Mario

